

BERITA ONLINE

SARAWAK VOICE

TARIKH: 24 JUN 2022 (JUMAAT)

SARAWAK VOICE
Your Voice Matters!

Tabung Ekonomi Gagasan Anak S'wak meterai MoU MYStartup dengan Mosti

By @news June 24, 2022



JAPEN SARAWAK

KUCHING: Tabung Ekonomi Gagasan Anak Sarawak (Tegas) memeterai Memorandum Persefahaman (MoU) dengan Cradle Fund Sdn Bhd (Cradle) bagi pihak Kementerian Sains, Teknologi dan Inovasi (Mosti).

MoU berkenaan memperluas inisiatif MYStartup, seterusnya meningkatkan penglibatan syarikat pemula di Sarawak.

Menurut Menteri Sains, Teknologi dan Inovasi Datuk Seri Dr Adham Baba Tegas menjadi wakil bagi inisiatif berkenaan, dengan Cradle sebagai penyokong program pembangunan ekosistem pemula yang dianjurkan di Sarawak.

Bercakap selepas merasmikan Jerayawara MYStartup Wilayah Timur di Kampung Digital Tegas pada Jumaat, Adham berharap keupayaan syarikat pemula niaga ini dapat dimajukan di peringkat antarabangsa.

Beliau ingin memastikan dalam pencarian bakat serta modal insan, peluang turut diberikan kepada anak-anak Sarawak untuk meningkatkan kemahiran teknologi dan masa depan di bawah Cradle.

Lokasi lain bagi program MYStartup yang dilancarkan Februari lepas ialah Kuala Lumpur, Johor dan Pulau Pinang bertujuan demi memperkasa ekosistem komuniti pemula di Malaysia.